

ANG

PAHAYAGAN NG PARTIDO KOMUNISTA NG PILIPINAS
PINAPATNUBAYAN NG
MARXISMO-LENINISMO-MAOISMO

Bayan

Espesyal nga Isyu

Edisyong Hiligaynon

Oktubre 1, 1999

Nahunungod sa ika-50 tuig nga anibersaryo sang pagkatukod sang Republika nga Banwa sang Tsina

*Komite Sentral
Partido Komunista sang Pilipinas*


Oktubre 1, 1999

Sa okasyon sang ika-50 tuig nga anibersaryo sang pagkatukod sang Republikang Banwa sang Tsina, ginasaalog naton ang kadalag-an sang pumuluyo nga Tsino sa bag-o nga demokratiko nga rebolusyon batuk sa dumuluong nga monopolyong kapitalismo, lokal nga pyudalismo kag burukratang kapitalismo.

Napadaog ang rebolusyon bangud ginpamunuan ini sang proletaryado paagi sa Partido Komunista sang Tsina, sa ubay sang Marxismo-Leninismo kag sang dungganon nga pagpamuno ni Kaupod nga Mao Zedong. Bangud diri, ginapadunggan naton ang tanan nga mga martir kag bayani sang rebolusyon, ang mga kadre kag katapu sxang Partido Komunista sang Tsina, ang mga Pula nga kumander kag Hangaway sang Pagpahilway sang Banwa (People's Liberation Army) kag ang bug-os nga pumuluyo nga Tsino nga ginabug-os sang lain-lain nga nasyunalidad sa tanan nga ila paghimud-os kag pagsakripisyo padulong sa pagkatukod sang Republikang Banwa sang Tsina.

Ginasaalog man naton ang tanan nga mga kadalag-an sang pumuluyo nga

GINASAULOG MAN NATON ANG
TANAN NGA MGA KADALAG-AN
SANG PUMULUYO NGA TSINO
SA SOSYALISTANG
REBOLUSYON KAG
SOSYALISTANG
KONSTRUKSYON KAG ANG
DUNGGANON NGA
PROLETARYO NGA
REBOLUSYON NGA
PANGKULTURA HALIN SANG
ITUKOD ANG REPUBLIKA NGA
BANWA SANG TSINA.
KADUNGAN SINI,
GINAPAKAMALA-OT NATON
ANG PAGPUKAN SA GAHUM
SANG PROLETARYADO KAG
ANG KAPITALISTANG
PAGPANG-ULI PAGKAPATAY NI
KAUPOD NGA MAO KAG
GINATAMAY NATON ANG
MAPAIT NGA BUNGA SANG
PAGTRAIDOR SA SOSYALISMO.



Tsino sa sosyalistang rebolusyon kag sosyalistang konstruksyon kag ang Dungganon nga Proletaryo nga Rebolusyon nga Pangkultura halin sang itukod ang Republika nga Banwa sang Tsina. Kadungan sini, ginapakamala-ot naton ang pagpukan sa gahum sang proletaryado kag ang kapitalistang pagpang-uli pagkapatay ni Kaupod nga Mao kag ginatamay naton ang mapait nga bunga sang pagtraidor sa sosyalismo.

1. Ang Republikang Banwa sang Tsina: 1949-76

Ang pagkatukod sang Republikang Banwa sang Tsina isa ka dungganon nga kadalag-an sang proletaryado kag pumuluyo sang kalibutan. Nagsinyas ini sang pinakadungganon nga rebolusyon nga pangkatilingban sa ikaduha tunga sang ika-20 siglo, sa diin ang bag-o nga demokratiko nga halintang sang Rebolusyon nga Tsino nagpadulong sa sosyalista nga halintang. Sangkapat sang sangkatauhan ang nagpahilway sang ila kaugalingon sa kadina sang imperyalismo kag sang lokal nga nagahari nga sahi sang mga dalagku nga kumprador kag agalon nga mayduta paagi sa malawigan nga inaway banwa sa pagpamuno sang rebolusyonaryo nga proletaryado.

Ang pungsudnon nga pag-agaw sang pangpulitika nga gahum nagkahulugan sang ginhalinan nga pagkakumpleto sang bag-o nga demokratiko nga rebolusyon kag pagpatapos sang malakolonyal kag malapyudal nga kahintangan. Ang proletaryado kag pumuluyo nga Tsino nagpadayon sa pag-abanse sang sosyalistang rebolusyon kag konstruksyon, nga may bastante sa paghatag sang importansya sa kinahanglan nga mga panahon sang transisyon para sa rekonstruksyon kag rehabilitasyon kag para sa basehan nga sosyalistang transpormasyon sang pagpanag-iy sa mga pagkabutang sa produksyon.

Bisan ang dagway sang estado demokratiko nga diktadura nga banwa nga nakabase sa alyansa nga mamumugon kag mangunguma, ang nagapanguna nga pangpulitika nga paktor ang makisahi nga pagpamuno sang proletaryado sa estado kag katilingban paagi sa PKT kag ang nagapanguna nga sangkap sang gahum nga estado ang Hangaway sa Pagpahilway sang Banwa sa pagpamuno sang PKT. Ang makisahi nga diktadura sang proletaryado ang ara sa tugas sang demokratiko nga diktadurang banwa.

Ang nagapanguna nga mga pang-ekonomiya nga paktor sang sosyalismo ang sektor sang ekonomiya nga ginapanag-iyahan sang estado (nga resulta sang pagkumpiska gikan sa mga imperyalista kag mga burukratang burgesya sang mga negosyong industriyal, mga bangko, mga nagapanguna nga pinagkuha-an sang hilaw nga materyales kag mga linya sang distribusyon), ang mga kooperatibang negosyo, ang pagtukod sang mga bag-o nga industriyang ginapanag-iyahan sang estado kag ang hali-halintang nga pagpauswag sang kooperatiba sa agrikultura.

Sa pagpamuno sa sosyalistang rebolusyon kag konstruksyon, permi nga ara sa pamensaron ni Kaupod nga Mao nga ang banggianay sang mga sahi ang yabi nga punto kag wala sang paglising siya nga nagsunod sa linya sang pagpati kag pagsalig sa masa. Sa bisperas sang lubos nga kadalag-an sang rebolusyon nga Tsino, ginsulit niya ang tudlo ni Lenin nga ang sosyalismo magasakop sang isa ka bug-os nga istorikong panahon kag ang banggianay sang mga sahi sa tunga

sang proletaryado kag burgesya magpadayon kag lalala sa lain-lain nga mga dagway sa sosyalistang katilingban.

Ginsakdag ni Kaupod nga Mao ang mga rebolusyonaryo nga prinsipyo nga ara sa Komunistang Manipesto kag ang mga natunan nga leksyon halin sa Komuna sang Paris sang 1871 kag ang inagihan nga Sobyet, halin sa panahon sang sosyalismo tubtob sa moderno nga rebisyunismo.

Nakatuon siya halin sa mga tudlo ni Marx nahanungod sa mga palaligban sa sosyalistang katilingban, parehas sang mga nabilin kag malain nga impluwensya sang napukan nga sahi nga burgesya kag ang mga kontradiksyon sa tunga sang mamumugon kag mangunguma, sa tunga sang kasyudaran kag kaumhan kag sa tunga sang pisikal kag mental nga hilikuton. Nakatuon man siya halin sa mga tudlo ni Lenin nahanungod sa mga temporaryo nga konsesyon sa mga nahanunga kag mga gagmay nga prodyuser kag negosyante sa panahon sang transisyon, sa gagmay nga produksyon sang balaklonon nga pinag-umpisahan sang burgesya, sa pagpabilin sang daan nga mga ideya, kaugalian kag ginawi kag sa impluwensya sang internasyunal nga burgesya sa lokal nga burgesya.

Sa pagpamuno ni Kaupod nga Mao, ang Partido Komunista sang Tsina nangin mapagbantay sa korupsiyon sa panahon sang rekonstruksyon kag rehabilitasyon. Pagkatapos sang basehan nga sosyalistang transpormasyon sa pagpanag-iy sa mga pagkabutang sa produksyon, nagpanawagan siya para sa pagbuhin kag lubos nga pagdula

**SANGKAPAT SANG SANGKATAUHAN
ANG NAGPAHILWAY SANG ILA
KAUGALINGON SA KADINA SANG
IMPERYALISMO KAG SANG LOKAL
NGA NAGAHARI NG SAHI SANG
MGA DALAGKU NG KUMPRADOR
KAG AGALON NG MAYDUTA PAAGI
SA MALAWIGAN NG INAWAY
BANWA SA PAGPAMUNO SANG
REBOLUSYONARYO NG
PROLETARYADO.**

**ANG DAKU NGA LUMPAT PAG-
ABANSE NGA KRUSYAL SA
PAGPADASIG SA SOSYALISTA NGA
PAG-USWAG SA PAMAAGI NGA
TANAN-NGA-BAHIN, SA PAGTUKOD
SANG INDUSTRIYA SA
BALANSYADONG PAMAAGI KAG SA
PAGPATAAS SANG LEBEL SANG
AGRIKULTURAL NGA
KOOPERASYON PAAGI SA MGA
KOMUNA NGA BANWA, KAG SA
PAGPANGIBABAW SA MGA
KABUDLAYAN NGA DULOT SANG
IMPERYALISTA NGA EMBARGO,
SANG PAG-TRAIDOR SANG
REBISYUNISTANG SOBYET KAG
SANG MGA NATURAL NGA
KALAMIDAD KAG SANG
PANABOTAHE SANG MGA LOKAL
NGA PALTIK NGA KOMUNISTA
NGA MGA SUMULUNOD NI
BUKHARIN KAG MGA
REBISYUNISTANG UBOS-
MASARANGAN NGA NAGATINGUHA
AGUD PADAKUON PA ANG MGA
PRIBILIHEYO SANG BURGESYA
KAG SANG MGA MANGGARANON
NGA MANGUNGUMA.**

sa mga pribiliheyo sang makibanwahanon nga burgesya kag sa paggamit sa rebolusyonaryo nga pagkaaktibo sang masa para sa pagpadasig sang pagtukod sang sosyalismo.

Sa kaugalingon nga pagtinguha, napadaog sang Tsina nga maitukod ang pundasyon sang iya industriya, nakolektibisa ang agrikultura, kag nahimo ang daku nga pag-abanse sa mekanisasyong agrikultural kag nasustentuhan ang mga basehan nga kinahanglanon sang anakbalhas nga masa nga mamumugon kag mangunguma. Ang basehan nga balayon para sa sosyalistang konstruksyon nagakinahanglan sang pagpauswag sa basehan kag mga mabug-at nga industriya bilang nagapanguna nga paktor, sa agrikultura bilang pundasyon sang ekonomiya kag mamag-an nga

industriya bilang nagaangot nga paktor, sa katuyuan nga sabton ang gilayon nga mga kinahanglanon nga pangkatilingban sang pumuluyo kag magtipon sang rekisitonong kapital para sa pagpauswag.

Sa serye sang tigililima nga-tuig nga plano, nag-agom ang Tsina sang higante nga mga kadalag-an sa sosyalistang konstruksyon. Ang Daku nga Lumpat Pag-abanse nga krusyal sa pagpadasig sa sosyalista nga pag-uswag sa pamaagi nga tanan-nga-bahin, sa pagtukod sang industriya sa balansyadong pamaagi kag sa pagpataas sang lebel sang agrikultural nga kooperasyon paagi sa mga komuna nga banwa, kag sa pagpangibabaw sa mga kabudlayan nga dulot sang imperyalista nga embargo, sang pag-traidor sang rebisyunistang Sobyet kag sang mga natural nga kalamidad kag sang panabotahe sang mga lokal nga paltik nga komunista nga mga sumulunod ni Bukharin kag mga rebisyunistang ubos-masarangan nga nagatinguha agud padakuon pa ang mga pribiliheyo sang burgesya kag sang mga manggaranon nga mangunguma.

Relatibo nga mahapos nga kilalahon ang mga kontra-rebolusyonaryo nga aktibo nga magbato sa rebolusyon, silutan sang mabug-at ang pila lang nga may utang nga dugo kag indi nagahinulsol. Relatibo nga mahapos man nga imbestigahan, hingabuton kag silutan ang mga kriminal sa panahon sang kampanya nga kontra-korupsyon. Pero pinakamabudlay para sa mga proletaryo nga rebolusyonaryo nga pagbanggi ang mga ara sa awtoridad sa Partido kag estado nga kumontra sa rebolusyonaryo nga linya sang pagtukod sang sosyalismo. Ang mga rebisyunista nga ini ginpamunuan nanday Liu Shaochi kag Deng Xiaoping.

Ang mga tiglawas nga ini sang burgesya gusto nga padugayon ang mga pribiliheyo sang burgesya, naga-pamanggad halin sa kapot nga pusisyon o nagtukod sang mga kaugalingon nga kaharian, nagtaguyod sa konsolidasyon o lubos nga pagpauswag sang isa ka burges nga ekonomiya antes ang sosyalismo, nagduso sang mekanikal nga ideya nga ang pagtukod sang sosyalismo halambalanon lamang sang pagpauswag sang mga produktibo nga pwersa kag nagproklama sang amat-amat nga pagkadula sang banggianay sang mga sahi.

Ang banggianay sang mga sahi nangin tayuyon sa tunga sang mga proletaryo nga rebolusyonaryo kag sang mga burges nga traidor sa sulod mismo sang Komite Sentral sang PKT. Sa Ika-8 Kongreso sang PKT, si Mao gintamay sa iya likuran sang mga ginatawag nga mga eksperto bilang isa ka wala sang nahibal-an sa ekonomiya. Sa pagkamatuod, siya ang may pinakamaayo nga pagka-intiende sa Marxista-Leninistang ekonomiya nga pangpulitika, sa pangkatilingban kag pang-ekonomiya nga kahimtangan sang Tsina kag sa mga tinun-an halin sa inagihan sang Sobyet. Nangin target siya sang tuman kapintas nga mga atake sang mga maka-Tuo kag sang mga nakatago nga rebisyunista tubtob sa panahon sang Dungganon nga Proletaryo nga Rebolusyon nga Pangkultura.

Ang mga tinawo sang Partido nga ara sa awtoridad nga nag-agi sa kapitalistang banas naggamit sang pinakamakatiplang nga mga taktika agud pamatukan ang sosyalistang linya ni Mao sa Daku nga Lumpat Pag-abanse. Mapilit nila nga gin-abanse ang ila Tuo nga linya. Sang wala ginbaton ang ila Tuo nga linya, madasig sila nga maghabyog sa ultra-Wala nga linya agud masabotahe kag maguba ang husto nga linya

kag polisa. Sang magpahibalo si Mao sang mga pagbag-o, gin-angkon nila ang mga kredito diri agud labi pa siya nga atakihon. Padayon niya nga gingamit ang iya materyalista kag diyalektiko nga panan-awan sa teorya kag praktika kag mag-abanse nga pabalod-balod.

Permi siya nga nagapakigbatuk sa prinsipyado nga pamaagi, nagakuha halin sa iya madalum kag kumprehensibo nga pagtuon kag praktika sang Marxismo-Leninismo kag nagasalig sa masa kag sa demokratiko nga debate kag pangungumbinsi. Nagpahibalo siya para sa isa ka kahublagan sa sosyalista nga edukasyon kag gintumod ang kubay sang mga rebisyunista nga burukrata bilang pinakamakatalagam nga pinag-uumpisahan sang burgesya. Pero indi naagom ang katuyuan sang kahublagan sa sosyalistang edukasyon bangud sa pananabotahe kag promosyon sang kaugalingon sang mga rebisyunistang traidor.

**ANG DUNGGANON NGA
PROLETARYO NGA REBOLUSYON
NGA PANGKULTURA, DEMOKRASYA
SA PINAKAMALAPAD NGA SAKOP
NGA WALA PA KATUPONG SA
BILOG NGA KASAYSAYAN SANG
SANGKATAUHAN KAG ISA KA
PROSESO SA DIIN GIN-GAMIT SANG
MGA MAMUMUGON KAG
MANGUNGUMA ANG ILA MGA
DEMOKRATIKO NGA
KINAMATARUNG AGUD SAKDAGON,
PANGAPINAN KAG IABANSE ANG
SOSYALISMO. GINSALAKAY SINI
ANG KAMPO SANG BURGESYA SA
SULOD SANG PARTIDO KOMUNISTA,
LABI NGA GINPALAPIT ANG
PARTIDO SA PUMULUYO, INIAYON
ANG HULAG KAG GINABATON SANG
MGA KADRE SA TALAKSAN NGA
GINTALANA SA KOMUNA SANG
PARIS KAG GINBAKLAS ANG
NABILIN NGA SOBRA NGA MGA
PRIBILEHIYO SANG DAAN NGA
BURGESYA.**

Natumod ni Kaupod nga Mao ang pila ka bahin sang Partido Komunista kag sosyalistang estado naagaw sang burgesya kag may hugot nga kinahanglanon nga maglunsar sang makisahi nga pagpakig-banggi sa mga naga-pakadto sa kapitalista kag pat-uron ang pagpadayon sang sosyalismo. Gani, ginplatar niya ang teorya kag praktika sang nagpadayon nga rebolusyon sa idalom sang diktadura sang proletaryado paagi sa Dungganon nga Proletaryo nga Rebolusyon nga Pangkultura agud pamatukan ang rebisyonismo, punggan ang pagpanag-uli sang kapitalismo kag konsolidahon ang sosyalismo.

Katuyuan sang Rebolusyon nga Pangkultura nga sakdagon ang banggianay sang mga sahi bilang yabi nga angot sa pagtukod sang sosyalismo, ipalapnag ang pagpangibabaw sang sosyalistang mga relasyon sa mga pwersa sa produksyon kag rebolusyonisahan ang superistruktura agud ipatuman ang hegemonya sa kultura sang sahi nga mamumugon kag alagaran ang sosyalistang rebolusyon kag konstruksyon. Sa malip-ot nga pulong, kaptan sang hugot ang rebolusyon kag sakdagon ang produksyon.

Ang pinakadungganon nga naagom ni Kaupod nga Mao ang iya teorya kag praktika sang nagpadayon nga rebolusyon sa idalom sang diktadura sang proletaryado. Nag-umpisa ini halin sa iya pagtuon sang mga tudlo kag inagihan sang iya ginsundan nga mga dungganon nga komunista, halin sa manggaranon nga rebolusyonaryo nga kasaysayan kag sirkumstansya sang pumuluyo nga Tsino kag halin sa iya pagsaway kag pagsikway sa moderno nga rebisyunismo kag sa pagkatraidor sa sosyalismo sang Partido Komunista sang Unyong Sobyet.

Ang Dungganon nga Proletaryo nga Rebolusyon nga Pangkultura pumukaw, nag-organisa kag nagpahulas sa ginatos nga milyon nga pumuluyo nga Tsino. Ini demokrasya sa pinakamalapad nga sakop nga wala pa katupong sa bilog nga kasaysayan sang sangkatauhan kag isa ka proseso sa diin gin-gamit sang mga mamumugon kag mangunguma ang ila mga demokratiko nga kinamatarung agud sakdagon, pangapinan kag iabanse ang sosyalismo. Ginsalakay sini ang kampo sang burgesya sa sulod sang Partido Komunista, labi nga ginpalapit ang Partido sa pumuluyo, iniayon ang hulag kag ginabaton sang mga kadre sa talaksan nga gintalana sa Komuna sang Paris kag ginbaklas ang nabilin nga sobra nga mga pribilehiyo sang daan nga burgesya.

Naghatag ini sang rebolusyonaryo nga inagihan kag paghanas sa mga pamatan-on kag nagpahuyang sa impluwensya sang petiburgesya bilang pinakadaku nga basehan nga pangkatilingban sang moderno nga rebisyunismo sa sosyalista nga katilingban. Pinakadto sini ang ang mga pamatan-on sa mga mamumugon kag mangunguma agud makatuon halin sa ila. Ginsakdag sini ang rebolusyonaryo nga edukasyon kag magtuga sang makadalayaw nga mga obrang pangkultura kag maka-arte nga produksyon. Naghanas ini sang madamo nga mamumugon panglawas, labina sa kaumhan.

Gintukod sini ang mga rebolusyonaryo nga organo sang gahum nga pangpulitika nga nagakumbina sang mga tiglawas sang Partido, sang masa kag sang hangaway sang banwa kag binalanse ang proporsyon sang pamatan-on, ara sa katung-an nga edad kag mga tigulang Naghimo man ini sang bag-o nga sistema sang pamunuan sa pala-obrahan nga nagakumbina sa mga tiglawas sang Partido, mga mamumugon kag mga eksperto nga nagrerelyebo sa pagpatuman sang mga katungdanan.

Nagtinguha ini nga palaparon ang epektibo nga sakop sang mga komuna tubtob sa lebel sang banwa.

Naagom sang DRPK ang iya mga katuyuan sa sulod sang 10 ka tuig, umpisa 1966 tubtob sa 1976. Sa iya panahon, nagdaog ini sa pagrebolusyonisa pareho sa pundasyong pangkatilingban kag sa superistruktura sang katilingban nga Tsino. Ginpataas sini ang lebel sang produksyong industriyal kag agrikultural, gani nahimo sang mga rebisyunista nga traidor nga magsinggitang sang demagohiko kag ekonomistang pangabay agud matamasa ang bunga sang naagom nga inisyal nga kauswagan. Kon wala sang rebolusyon nga pangkultura, ang proletaryo nga rebolusyonaryo nga linya ni Mao mas temprano ini nga mapyerde sang mga burges nga traidor.

Samtang nagapadayon ang rebolusyon nga pangkultura, indi makapati ang pila nga ang mga katulad nanday Liu Shaochi kag Deng Xiaoping pwede mangin mga rebisyunista nga traidor bangud sa ila naangkon nga mataas nga katungdanan sa PKT. Apang ang kahustuhan ni Mao sa paglalapag sang palaligban sang rebisyunismo kag ang paghiwat sang rebolusyon nga pangkultura lubos nga napamatud-an sang aktwal nga pagbalik sang kapitalismo pagkatapos siya mapatay.

Ang teorya kag praktika sang nagapadayon nga rebolusyon sa idalom sang proletaryo nga diktadura pinakamataas nga lebel sang pag-uswag sang Marxista-Leninistang teorya kag praktika tubtob sa subong. Parehas sang Komuna sang Paris sang 1871, ang rebolusyon nga pangkultura nagdaog lamang sa sulod sang pila ka panahon apang naglapag sang basehan nga mga prinsipyo kag pamaagi para sa dugang nga pagpauswag agud magtamo sang mas mga dalagku kag labi nga pangmadugayan nga mga kadalag-an sa pagtukod kag pagpangapin sa sosyalismo tubtob sa maagom ang komunismo.

May ara nga pila ka kasaypanan nga nagpahina sa rebolusyon nga pangkultura kag nagdala sa iya pagkalupig pagkapatay ni Mao. Masiling naton ang pila ka mga dalagku nga kasaypanan. Ang Tuo kag ultra-Wala nga mga oportunista pareho nagsulsol sang paksyunalismo. Ang diktadura sang proletaryado indi epektibo nga napasunod agud permanenteng pahipuson ang mga maka-Tuo kag balabangan sila nga makipagkombina sa mga sentrista batuk sa Wala. Bisan man, ang mga kasaypanan nga ini indi nagpapawaay kapuslanan sa teorya kag praktika sang nagpadayon nga rebolusyon sa idalom sang diktadura sang proletaryado.

Salamat kay Kaupod nga Mao, may mabakud nga armas nga magamit kag mapauswag agud lutuson ang mga rebisyunista nga traidor nga patud nga magatuhaw sa mga sosyalista nga katilingban nga pagatukuron sang mga mamumugon kag pumuluyo sa palaabuton. Sa subong, may maathag nga sabat sa mga kabutigan sang mga imperyalista kag lokal nga mga reaksyunaryo nga ang sosyalismo indi makalubad kag makapugong sa pagbalik sang kapitalismo.

Sa pagpamuno ni Kaupod nga Mao, ang Republikang Banwa sang Tsina nagpapag-on sang isa ka sosyalistang polisa pangluwas. Ini ginaubayan sang nagapangibabaw nga prinsipyo sang proletaryo nga internasyunalismo. Nagbalibad kag pinag-angot sini ang mga rebolusyonaryo nga kahublagan sang mga pumuluyo kag ang implementasyon sang lima ka prinsipyo sang malinong nga pagpangabuhi sa diplomatiko nga relasyon sang mga estado. Ginpangunahan ni Kaupod

**ANG TEORYA KAG PRAKTIKA SANG
NAGAPADAYON NGA REBOLUSYON
SA IDALOM SANG PROLETARYO NGA
DIKTADURA PINAKAMATAAS NGA
LEBEL SANG PAG-USWAG SANG
MARXISTA-LENINISTANG TEORYA
KAG PRAKTIKA TUBTOB SA
SUBONG... SALAMAT KAY KAUPOD
NGA MAO, MAY MABAKUD NGA
ARMAS NGA MAGAMIT KAG
MAPAUSWAG AGUD LUTUSON ANG
MGA REBISYUNISTA NGA TRAIOR
NGA PAT-UD NGA MAGATUHAW SA
MGA SOSYALISTA NGA KATILINGBAN
NGA PAGATUKURON SANG MGA
MAMUMUGON KAG PUMULUYO SA
PALAABUTON. SA SUBONG, MAY
MAATHAG NGA SABAT SA MGA
KABUTIGAN SANG MGA
IMPERYALISTA KAG LOKAL NGA
MGA REAKSYUNARYO NGA ANG
SOSYALISMO INDI MAKALUBAD KAG
MAKAPUGONG SA PAGBALIK SANG
KAPITALISMO.**

nga Mao ang mga matuod nga komunista kag mga partido sang mamumugon sa pagpamatuk sa moderno nga rebisyunismo, upod ang pangkabilugan nga linya ni Krushchov sang malinong nga pagpangabuhi kag ang direkta nga sosyal-imperyalismo ni Brezhnev.

Ginhatagan sang Tsina sang pinakamataas nga kabangdanan ang paghatag sang suportang moral kag materyal sa pangkalibutanon nga kahublagan nga komunista kag mamumugon kag sa mga inaway sang pungsudnon nga paghilway batuk sa imperyalismo sa Asya, Aprika kag Amerika Latina. Kadungan sang dungganon nga pagsakripisyo, ang Tsina nagserbi nga gamhanan nga likuran kag naghatag sang tanan nga makakayang suporta sa pumuluyo sang Korea kag Indotsina nga naglunsar sang mga inaway nga mapanghilway batuk sa imperyalismo nga US.

2. Kapitalistang Pagbalik : 1976- Subong

Sa pagsaulog naton sa naga-igpat nga kadalag-an sang Republikang Banwa sang Tsina tubtob sa 1976, dapat naton pakamalauton ang pagpukan sa proletaryado sa gahum kag ang pagbalik sang kapitalismo sa idalom sang makatiliplang nga islogan sang mga reporma kag ang liwat nga integrasyon sang Tsina sa pangkalibutanon nga sistema nga kapitalista sa idalom sang makatiliplang man nga islogan sang pag-abre. Ang kontra-sosyalista nga kontra-rebolusyon nagpadayon sugod sadtong 1976 kag wala sang kaduda-duda halin sadtong Ikatlong Plenum sang ika-10 Komite Sentral sang PKT sadtong Hulyo 1977 sa impluwensya sang mga nagapadulong-sa-kapitalista sa pagpamuno ni Deng Xiaoping.

Pagkatapos agawon ang gahum nga pangpulitika, mas madasig kag mas buraghal nga ginpabalik sang mga rebisyunista nga Tsino ang kapitalismo sangsa mga rebisyunistang Sobyet. Ginpahigad ang nagapanguna nga papel sang proletaryado sa pagplano nga pang-ekonomiya kag pagdumala sa mga negosyo. Ginbungkag ang 3-sa-1 kumbinasyon sang mga tiglawas sang Partido, sang mga mamumugon kag mga ekspertong nagatukod sa pamunuan sang palaobrahan.

Ang naburges nga mga burukrata kag eksperto nangin sobra nga gamhanan. Nagpatuman sila sang pagkukwentang base sa gastos kag tubo para sa pagkamkam sang manggad kag nag-angkon sila sang gahum nga mag-arkila kag magpahalin sang mga mamumugon kag magbakal kag magbaligya sang pagkabutang kag produkto nga sa paglantaw nila makakita para sa ila nagabuluglag nga mga yunit. Ginkumbinse ang mga organo kag yunit sang Partido kag sang hangaway sang banwa nga magpanag-iyang kag magpadalagan sang negosyo para sa ila makitid nga kapuslanan kag sa subong nagarok kag nagbalik-buot sa kapitalismo.

Ang daan nga burgesya nagbaton sang mga dalagku nga bili sang kapital sa lain nga pamaagi kag ginpabay-an nga magtukod sang mga pribadong negosyo kag maghulam sang pondo halin sa mga bangko nga ginapanag-iyahan sang estado. Ginhimo nga pribado sang mga burukrata ang mga industriya sa kaumhan nga sa umpisa sa

idalom sang ligal nga kathang-pamensaron nga maarkilahan sang manedsment (management lease). Ang mga komunang banwa ginbungkag sa idalom sang paatras nga islogan sang sistema sang responsibilidad sang taga ka kabalayan (household responsibility system). Nagkahulugan ini sang pagguba sa pundasyon sang makatindog-sa-kaugalingon nga sosyalistang ekonomiya kag sang madasig nga pagtuhaw sang mga manggaranon nga mangunguma sa kahalitan sang mayorya sang mga mangunguma.

Sa idalom sang konsepto nga daku nga kumprador ni Deng sang modernisasyon kag burges nga liberalisasyon sang ekonomiya, ginhatag ang mga pribilehiyo sa pagpangapital kag pangangalakal sa mga dumuluong kag lokal nga mga dalagku nga burgesya sa rason nga ang pamaagi sang pagpauswag sa Tsina paagi sa pag-angkon sang akses sa dumuluong nga pagpangapital, teknolohiya kag sa pangkalibutanon nga balaligyaan nga kapitalista. Gani ang ginhimo sang mga imperyalista kag

lokal nga burgesya himuon nga Taiwanisado ang ekonomiya nga Tsino. Ginapaidalom ini sa mga dikta nga polisa sang dumuluong nga monopolyo kapitalismo kag mga mutilateral nga ahensya tulad sang IMF, World Bank kag WTO.

Ang eksport sang semi-manupakturang may manubo nga dugang nga balor sa mga imperyalistang pungsod kag ang pag-import sang mga produktong pangkonsumo halin sa nasambit nga mga pungsod tuman nga magsaka ang kamalahalon tubtob sa lebel nga nakaimpluwensya nga ang mga ini sa mga padron sang pagpangapital kag pagkonsumo sa Tsina nga katulad nga sang sa mga neokolonya. Ang mga mabugat kag basehan nga mga industriyang ginapanag-iyahan sang estado nauk-ok, napaidalom pareho sa mga pribado kag burukratang kapitalista kag nasakop sang pribatisasyon kag pagsira nga katulad sang una nga mga pungsod sang blokeng-Sobyet.

Nagbalik ang pinaka-malain nga peste sang pre-rebolusyonaryo nga Tsina. Talalupangdon ang nagadamo nga madamuan nga disempleyo, trabahong ginabayaran sang pantawid-gutom

**ANG KONTRA-SOSYALISTA NGA
KONTRA-REBOLUSYON NAGPADAYON
SUGOD SADTONG 1976 KAG WALA
SANG KADUDA-DUDA HALIN SADTONG
IKATLONG PLENUM SANG IKA-10
KOMITE SENTRAL SANG PKT
SADTONG HULYO 1977 SA
IMPLUWENSYA SANG MGA
NAGAPADULONG-SA-KAPITALISTA SA
PAGPAMUNO NI DENG XIAOPING.**

lamang nga pasahod, implasyon, arbitraryong pagbuhis, burukratiko nga korupsiyon, usura, pagpapalabuy-laboy, pagtulod sang droga, pamamalimos, prostitusyon, pagbakal kag pagbaligya sang kababaehan kag pamatan-on kag pagpatay sang mga bata nga babae. Ang Tsina subong sangkuan nga natunga sa mga nagapanghimulos kag ginahimuslan nga mga sahi. Samtang may pila lamang nga nagapasasa sang ila manggad, ang tuman kadaku nga mayorya sang mga pumuluoy naka-agom sang pag-antos kag pasakit. Lapnagon ang pangkatilingban nga kibang.

Nagbalik ng pangkatilingban nga

pagkakasaray-saray sang pre-rebolusyonaryo nga Tsina. Ang mga dalagku nga kumprador, mga dalagku nga agalon nga maydutang umaakto man nga mga komersyante-usurero, kag mga korap nga mga burukrata naga-ulipon sa pumuluyo. Sobra 90 porsento sang pumuluyo mga mamumugon kag mangunguma nga naga-agi sang pag-pamigos kag pag-panghimulos kon m a s a r a n g a n nakapaggua sa pungsod sang higante nga tubo ang mga imperyalista kag nakapamanggad sang “mahimayaon” ang lokal nga burgesya nga una sa pumuluyo.

Ang pag-agaw sang gahum nga pangpulitika sang mga rebisyunistang Tsino nagkahulagan

sang pagpukan sang proletaryado kag pag-abot sang makisahi nga dikatadura sang burgesya. Pero kon kaisa ginatawag nga sosyalista nga kahim-osang mga bag-o nga burgesya nga nagapamuno sang Tsina agud tiplangon ang pumuluyo. Kon kaisa, ginabasol nila ang sosyalismo sa pasakit kag pag-antos sang mga pumuluyo nga sila mismo ang may kahimoan. Gani, ginaguba nila ang tinaga nga sosyalismo paagi sa ila manugpigong kag mapanghimulos nga mga polisa, kapin pa ang malaparan nga nakikita kag ginakangilaran nga estilong Goumindang nga burukrata nga kapitalistang korupsiyon.

Dinagsa ang nagahari nga partido, ang Partido Komunista sang Tsina, sang mga nangin paatras sa pulitika nga indi man lang mga komunista kundi mga garok nga burukrata, negosyante kag purong karerista. Ginagamit nila ang ngalan sang partido komunista agud himuon nga lehitimo ang pagginahum sang bag-o nga burgesya. Hamulag ini sa masa kag nagahulag batuk sa ila mga kinamatarung kag interes. Ginakahadlukan sini kag

ginatinguha nga balabangan ang rebolusyonaryo nga kahublagan nga masa. Nagahulag ini bilang isa ka burukratiko nga aparato nga may isa nga-direksyon lamang, halin sa taas-nagapanaog, para sa paghatag sang sugo.

Ang burges nga liberalisasyon sa Tsina tayuyon nga nag-uswag. Ang nabilin lamang nga pamangkot kon san-o magdesisyon ang burukrata nga burgesya mismo nga kuhaon ang mga karatula sang sosyalismo kag sang partido komunista katulad sang sa Unyong Sobyet. Gani ang mga naga-himo sang polisa sa US tuso nga tagapaglaygay sa pinakamasusugid nga mga kontra-Komunistang Tsino nga likawan ang ano man nga makahas nga paghamon sa awtoridad nga Tsino kag pabay-an ang malinong nga pagdabong sang kapitalismo.

Subong man, ang mga ara sa awtoridad sa Taiwan nga nagasalig nga ang kapitalista nga kinaiya sang ekonomiya nga Tsino indi malikawan nga magpadulong sa lubos nga Taiwanisasyon sang sistema nga pangpulitika sang Tsina. Sa subong nga balayon nila ginahimo nga prekondisyon ang pakipag-isa sa Tsina. Nahibal-an mismo sang mga awtoridad nga Tsino nga ang pagdamo sang mga pribadong kapitalista nga istablisimento nga magakadto sa pagdamo sang mga organisasyon nga pangpulitika sa guwa kag batuk sa nagaluntad sa turing kag garok nga partido komunista.

Ang kapitalista nga pagbalik nagtuga sang makahas nga pangkatilingban nga kagamo sa kapin sa sobra 80 syudad sadtong 1989 kag sang madamo nga pag-alsa sang mga mangunguma kag welga sang mga mamumugon sa dekadang 90. Ginlampasan sang tanan nga ini ang mga pangmasang pag-alsa, halin sa pag-alsa sa Hungary sadtong 1956 tubtob sa mga welga sang Solidaridad nga Polako (Polish Solidarity) sadtong dekadang 80, nga nagbadya sang pagpatapos sang sosyalistang pagpakuno-kuno sa Sidlangan nga Europa kag sa Unyong Sobyet sa panahon sang 1989-91.

Ang pangkatilingban nga kagamo kag makahas nga hitabo sa Tsina sadtong 1989 indi nakaupod ang inaway sa tunga sang sosyalistang kahimtangan kag sang mga gusto magtukod sang burges nga republika. Ini ang inaway sa tunga sang sosyal-pasismo kag sang naagrabyado nga pumuluyo nga nagaprotesta sa mga manipestasyon sang kapitalista nga pagbalik parehas sang malaparan nga kawad-an sang trabaho, implasyon kag korupsiyon, bisan pa silingon nga sa kubay sang masa may pila ka kontra-komunistang petiburges nga may handom sang burges nga demokrasya.

Ang mga burges nga nagahari sa Tsina padayon pa man nga nagakilala sa Marxismo-Leninismo kag Kaisipang Mao Zedong sa tinaga bisan ginsikway nila ini. Ginpahambog nila ang Dengistang teorya kag praktika sang kapitalistang kontra-rebolusyon. Ang burges nga liberalisasyon sang kultura nga Tsino talalupangdon sa liwat nga pagdamo sang mga ideya nga pro-imperyalista, daku nga burges, petiburges kag pyudal nga mga ideya kag pagpati sa Confucian. Ang Tsina nangin pinakadaku nga tagakonsumo sang mga basurang kultural halin sa US, Taiwan kag

Hongkong.

Ang sistema sang edukasyon, masmidya kag produksyong pangkalingawan lubos na nga naburges. Ginpalapnag ang kontra-sosyalista nga pagtampalas kag pag-ulipon sa mga mamumugon kag mangunguma (labina bangud sa ila kaimulon kag kakulangan sang pormal nga edukasyon). Ang mataas nga balor sang edukasyon ang nagbalabag agud makakuha sang pormal nga edukasyon ang daku nga proporsyon sang mga pamatan-on nga ara sa edad agud magtuon. Ini subong pribilehiyo sang pila lang. Subong man sa pagtatap sa ikaayong lawas kag disentang pabahay.

Kon halin 1949 pataas may pila ka bilang sang mga estudyanteng Tsino nga nag-tuon kag nag-import sang rebisyunista nga mga ideya kag nangin mga teknokrata kag nagahari sa Tsina, subong man subong, nga may mas daku nga bilang sang mga estudyante nga nag-tuon sa US kag iban pa nga imperyalista nga pungsod nga nagdala sa Tsina sang kontra-sosyalista kag pro-imperyalista nga mga ideya kag nangin mga teknokrata sang hayagan nga kapitalismo.

Ang proletaryado kag pumuluyo nga Tsino lamang ang makakapot sa ila kapalaran kag makalubad sa ila mga palaligban. Ara sa ila ang sosyalistang panoblion ni Kaupod nga Mao. Magamit nila ang Marxismo-Leninismo-Maoismo agud ubayan sila sa dalan sang pagrebolusyon batuk sa mga pagbalik sang kapitalismo. May mataas nga potensyal para sa isa ka matuod nga rebolusyonaryo nga partido komunista sa Tsina subong.

Sa espiritu sang proletaryo nga internasyunalismo, kinahanglan ibuyagyag kag pakamalauton sang mga matuod nga partido komunista sang kalibutan ang burgesya sang Tsina sa ila sayup nga pag-angkon kag paggamit sa ngalan sang partido komunista kag tinaga nga sosyalismo agud pagsirbihan ang ila malisyoso nga mga katuyuan agud mapabalik ang kapitalismo kag tigayunon ang sosyal pasismo. Ang mga matuod nga komunista bastante nga nag-antos sa maragtas nga hitabo sang pagginahum sang mga rebisyunista nga nagguba sa sosyalismo pero nagapadayon gihapon sa sala nga paglaragway sang kapitalismo bilang sosyalismo.

Sa pagsaway kag pagsikway sa moderno nga rebisyunismo kag kapitalistang pagbalik sa Tsina, nasarangan kag napadaog sang Partido Komunista sang Pilipinas ang mga propaganda sang mga imperyalista kag reaksyunaryo nga ang sosyalismo wala sang kabilanggan kag wala sang pakadtoan, nga ginpamatud-an sa kuno nga pagpukan kag paghulublag sang mga nagahari nga rebisyunista nga partido sa daan nga Unyong Sobyet kag Sidlangan nga Europa kag sang hayagan nga integrasyon sang Tsina sa pangkalibutanon nga sistema nga kapitalista.

Ang Partido Komunista sang Pilipinas malig-on nga padayon sa lubos nga pagsaway kag pagsikway sa kapitalista nga pagbalik sa Tsina kag nagasalig sa pag-

usbong sang isa ka matuod nga partido komunista sa ubay sang Marxismo-Leninismo-Maoismo. Pero bukas man permi ang PKP sa mga pangpulitika nga angtanay sa Tsina, sa iya mga makibanwahanon kag progresibong organisasyon kag pumuluyo suno sa linya sang internasyunal nga nagahiliugyon nga prente sa mga isyu nga ginapasaka batuk sa imperyalismo.

May polisa pangluwas ang Tsina nga pagpakighimbon kag kontensyon sa imperyalismo nga US. Sa bahin sang US gina-abanse man sini ang polisa sang “pagpakig-abyan” kag “pagbabakod”. Ang mga matuod nga kontradiksyon wala nagasanto sa mutwal nga kagustuhan sang Tsina kag US nga magmantine sang isa ka estratehiko nga pagbinuligay.

Ang Partido Komunista sang Pilipinas permi nga magabulig sa Tsina sa mga isyu sang pagpamilit sang iya soberanya kag kahilwayan halin sa hegemoniko nga mga imposisyon sang US. Labi nga lubos kag militante pa nga susuportahan sini ang mga rebolusyonaryo nga pagtinguha sang proletaryado kag pumuluyo nga Tsino agud ibalik ang Tsina sa dalan sang sosyalismo.

Ginakabig sang PKP ang halambalanon sang pagtratar sa Tsina bilang isa ka tuman nga kabilanggan nga halambalanon pareho sa malapitan kag malawigan nga panahon bangud siya ang kalapit pungsod, iloybanwa ni Mao kag

permi nga gamhanan nga proletaryado kag pumuluyo nga Tsino, target siya sang hegemonya nga imperyalista kag may nagapadaku nga papel sa pangkalibutanon nga mga halambalanon. Gani permi nga gusto kag kinahanglan nga mag-angkon sang mutwal nga pagbinuligay sa tunga sang pumuluyo nga Tsino kag pumuluyo nga Pilipino batuk sa imperyalismo kag reaksyon. **AB**

